

**Inatsisartut Naalakkersuisullu pillugit Inatsisartut inatsissaattut siunnersuut**  
*(Naalakkersuisut siulittaasuannit saqqummiunneqartoq)*

**pillugu**

**Inatsisit Atortinneqarnerannut Ataatsimiititaliap**

**ISUMALIUTISSIISUTAA**

**Siunnersuutip aappassaaneerneqarnerani saqqummiunneqartoq**

Inatsisit Atortinneqarnerannut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Isak Hammond, Inuit Ataqatigiit, siulittaasoq  
Inatsisartunut ilaasortaq Andreas Uldum, Demokraatineersoq, siulittaasup tullia  
Inatsisartunut ilaasortaq Debora Kleist, Inuit Ataqatigiit  
Inatsisartunut ilaasortaq Doris Jakobsen, Siumut  
Inatsisartunut ilaasortaq Anders Olsen, Siumut

UKA2010-mi ulloq 13. oktober 2010-mi siullermdeerinerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Namminersorreq pillugu inatsit 2009-mi atuutileroq. Taamaattorli Namminersorreq pillugu inatsimmi Namminersorlutik Oqartussani oqartussaaffeqarfut – tassa Inatsisartut Naalakkersuisullu – akornanni suleqatigiinneq - qanoq aaqqissuussaanersoq - immikkuualuttortalersorlugu nassuiaasersorneqanngillaq. Tamanna Inatsisartut Naalakkersuisullu pillugit inatsissaattut siunnersuummi matumani siunertarineqarpoq. Inatsisartut Naalakkersuisullu pillugit Inatsisartut inatsisaanni maannamut atuuttumi pingarnerinnaat tunngavigineqarput. Inatsit pineqartoq 1988-imi akuersissutigineqarmalli arlaleriarluni allanngortinnejartarsimavoq, taamaat-tumillu inatsisissatut siunnersuut manna taamaalilluni inatsisip ataatsimut allanneqarneratut ilaatigut isikkoqarpoq. Tassanissaqq aalajangersakkat erseqqarluttut erseqqissarnerisigut inat-sit erseqqinnerulersinniarneqarpoq.

Inatsisissatut siunnersuut Inatsisartut suleriaasissaattut nutaatut siunnersuummut saqqumiunneqartumut aamma aningaasarsiaqartitsinermut inatsisip allanngortinnejarnissaa pillugu inatsisissatut siunnersuummut ataqtigiissillugu paasineqassaaq. Aalajangersakkat ilaat, tassa assersuutigalugu Naalakkersuisunut ilaasortat atuuffinnik allanik suliaqarnissaat pillugu aala-jangersakkat taamaalillutik inatsisit taaneqartut akornanni nuunneqassasut siunnersuutigine-qarpoq.

### **Inatsisartut siunnersummik siullermeerinninnerat**

Siunnersuut siullermeerneqarnerani tapersorsorneqarluarpoq. Inatsisartut Naalakkersuisullu pillugit inatsisaasimasup naleqqussarneqarnissaa partiit tamarmik tapersorsorpaat. Pissaaneqarnerup pingasunut avinneqartarneranik tunngaveqarneq aamma Kalaallit Nunaanni atuunera inatsimmi erseqqisisinnejassasoq taamatuttaaq tapersorsorneqarpoq.

Akerlianilli Inatsisartut ataatsimiinnerini ilaasortat qallunaatut oqalussinnaanngitsut oqalutseqarnikkut qallunaatut oqalussinnaasariaqarnerat partiit akornanni isumaqatigiinngissutaavoq. Inatsisartuni Naalakkersuisunilu ilaasortat kalaallisut oqalussinnaanngitsut kalaallisuummut oqalutseqarnikkut qallunaatut oqalussinnaasariaqartut Inuit Ataqatigiit, Demokraatit, Kattusseqatigiit Patiat aamma Attassut isumaqarput. Tamanna Namminersorueq pillugu inatsimmut tamatumunngalu nassuaatinut naapertuuttutut isigineqarpoq. Taamaattorli kalaallit oqaasii naalakkersuinermik suliaqarnermi tunngavittut suni tamani atorneqassasut avaqqunneqarsinnaanngitsumik piumasaqataassasoq Siumut isumaqarpoq.

### **Allannguutissatut siunnersuut**

Siunnersuutip siullermeerneqarnerata kingorna allannguutissatut siunnersummik Naalakkersuisut saqqummiussippu. Allannguutissatut siunnersummi § 9 erseqqissarneqarpoq, tassalu Naalakkersuisuni ilaasortat aamma kalaallisut oqalussinnaangitsut kalaallisuummut oqalutseqarlutik qallunaatut oqalussinnaasariaqartut erseqqissumik oqaatigineqarpoq. Allannguutissatut siunnersummi kalaallisut oqaasiliunngitsut qallunaatut oqalussinnaanissaannik ullumikkut periarfissaasoq Naalakkersuisunut ilaasortanut atatillugu erseqqissuuusariaqarnermisut erseqqarissuseqanngitsoq Naalakkersuisut taamaallutik nalilerpaat.

### **Tusarniaanermi akissut**

Tusarniaasagaanni Inatsisartut Naalakkersuisullu iluisa akornanni pissutsit kisimik pineqartussaasorineqarmata siunnersuutip tusarniaassutiginissaa naleqqutinngitsutut inatsisissatut siunnersummi nassuaatit nalinginnaasut malillugit isigineqarsimammat atatsimiititaliap arajutsisimanngilaq. Taamatut naliliineq ajornartorsiutitaqavinnngittussatut isigineqarsinnaanngilaq. Taamaalilluni aalajangersakkat nutaarluinnaat siunnersummi atuutilersinniarneqarput, soorlu assersuutigalugu § 3, imm. 1 aamma § 5, taakkunani Inatsisartunut ilaasortat qinigaa-sinnaassusiat innarlerneqarsinnaanngissusiallu pillugit apeqqutinut tunngasuummata. Aam-mattaaq aalajangersakkat arlallit ingerlateqqinneqarsinnaasullu arlallit imaat annerusumik minnerusumilluunniit allannguuteqartinneqarput. Tamatuma saniatigut inatsit 2006-imi (UPA2006/98) kingullermik allanngortinneqarmat tusarniaaffigisartakkat arlallit tusarniaaffigineqarsimapput taamanikkullu aktiaatileqatigiiffinnut pisortanit pigineqartunut atatillugu Ani-nngaasaqarnermut Ataatsimiititaliap aamma Kukkunersiuinermut Ataatsimiititaliap pisinnaa-saqarfii allannguuteqartinnejassasoq taamanikkut Naalakkersuisut siulittaasori-simasaat isumaqarsimavoq. Taamanikkut inatsisip allannguutissaatut akuersissutaasimasut siunnersummi matumani allannguuteqartinnagit ingerlateqqinneqarput. Taamanikkut inatsisip allannguutaa kikkunnut tamanut pingaaruteqarsimangaarmat allaat tusarniaanissaq pisariaqartinnejassasoq, inatsisissatut siunnersummut matumunnga atatillugu sooq tamatuma massakkut taamaannginna erseqqissorinannngilaq. Taamatut naliliisimanaerup tunuliaqtuaa inatsisissatut siunnersummi nassuaatini nalinginnaasuni ajoraluwartumik paassisutissiissuti-gineqanngilaq.

Aamma nunami tamat oqartussaaqataanerat tunngavigalugu aqtsiffiusumi tamat oqartussaaaf-figisaannik ingerlataqarfiit - akunneranni – aaqqissuussaaneq namminermi kisimi oqartussaaaf-figisatut innuttaasunullu pingaaruteqanngitsutut isigissallugu eqqarsarnartortaqarpoq. Inatsi-sissatut siunnersuummut matumunnga atatillugu soqutigisaqaqatigiifit tusarniaaffiginissaat naleqquppallaanngitsutut isigneqassagaluarpuunniit innuttaasut soqutiginninnerat paasinartuliortoqarnissaannillu pisariaqartitsinerat maannangaaq naammassineqareersimasariaqaluarpoq siunnersuutip tamanut ammasumik oqallisigitinneratigut.

### **Naalakkersuisut siulittasuannik apersuineq**

Ataatsimiitaliap siunnersummik suliarinninnerminut atatillugu Naalakkersuisut siulittaasuat apersorpaat. Naalakkersuisut siulittaasuannik apersuinerup nalaani paasissutissanik ataatsimiitaliap saniatigut oqaaseqaateqarfigisariaqagaanik saqqummersoqarsimanngitsoq ataatsimiitaliaq isumaqarpoq.

### **Ataatsimiitaliap siunnersummik suliarinninnera**

#### Inatsisartut ukiuat ingerlaavartoq?

Inatsisissatut siunnersummi § 10-kkut Inatsisartut inatsisaanni maannamut atuuttumi § 9, imm. 2 ingerlatiinnarneqarpoq. Akerlianilli Inatsisartut inatsisaanni maannamut atuuttumi § 9, imm. 1 ingerlateqqinnejanngilaq. Inatsisartut ukiumut marloriarlutik ataatsimiittarnissaannik piumasaqaat inatsisikkut aalajangersarneqartoq taamaalilluni atorunnaarsinneqarpoq. Taman-na pissusissamisoortutut ataatsimiitaliap isigaa.

Pingaartumik tassuuna allannguinikkut – Inatsisartut kissaatigiguniku – ukioq tamaat Inatsisartut ukiuattut ingerlaavartutut ataatsimiiffissatut aaqqissuunissaanut immikkut periarfissineqarput, assersuutigalugu septemberimiit decemberimiit aamma januarimiit junimut Inatsisartut katersuuttalerlutik. Tamanna soorunami Inatsisartut ingerlanneqarnerannut aningaasar-tuutaanerulertussaavoq ilaatigummi ilaasortat angalasarnerinut aningaasartuutit ullumikkornit amerlanerulersissummat. Aningaasartuutit amerleriaataat Inatsisartuni ilaasortat ikilisin-ne-risigut annikillisinneqarsinnaapput allaallumi naligiimmik matussuserneqarsinnaallutik. Taamatut allannguinissaq piviusunngortinnejqarsinnaassaaq inatsisissatut siunnersumi matumani § 2-p allangortinneratigut.

Inatsisartut ataatsimiittarnerisa allatut aaqqissuunerisigut ataatsimiittarnerit ataatsimittarner-nut marlunnut sivikitsunut imartoqisunut eqikkartarunnaaraani inatsisit aaqqissuunneqartarne-rat pitsaarulissaq, tassami inatsisit aalajangiiffigisassatullu siunnersuutit saqqummiunnissaat akuersissutiginissaallu sivikitsuararsuarmik piffissalerneqartarunnaassammata.

Taamatut allannguinikkut inatsisissatut siunnersuut folketingip ukiuata naanerani akuersissu-tigineqarsimanngitsoq Inatsisartut ukiuata naanerani atorunnaarsinneqassanersoq isumaliuter-suutigissallugu pissusissamisuussaaq.

#### Naalakkersuisunut ilaasortamik tunuartitsineq

Inatsisissatut siunnersummi § 23, imm.2-mi Naalakkersuisunut ilaasortaq Inatsisartunut na-lunaaruteqaannarnikkut Naalakkersuisut siulittaasuata tunuartissinnaalissagaa nutaatut siun-

nersuutigineqarpoq. Taamaalilluni Naalakkersuisunut ilaasortap tunuartinnejarnissaata Inatsisartunit akuersissutigineqarnissaata utaqeqqaarneqartariaarutissalluni.

Aalajangersakkap allanngortinneqarnissaat piussusissamisuussasoq ataatsimiititaliaq isumaqarpoq. Siulittaasummi ilaasortamik tunuartitsinera pillugu nalunaarut Inatsisartunit tiguneqarneranit tunuartitsineq atuutilissammatt. Akerlianilli tunuartitsinissamik kissaateqarnerup piviusunngortinnissaanut maleruagassat ullumikkut atuuttut malillugit pisoqartarsimaneratut qaamatini arlalinni utaqeqsoqartarunnaassaaq.

Naalakkersuisut siulittaassuata ilaasortamik tunuartitsinera Inatsisartut tapersorsorumanngituarsinnaavaat. Taamaalilluni siulittaasup aalajangiinera atorunnaarsinnejarnissaatq ilaasortarlu iverteqqinnejarnissaat – inatsiseqartitsinikkulli akornuserneqarsinnaanngitsumik. Ilaasortap tunuartinnejarnissaat Inatsisartut akueriumanngippassuk tamanna Naalakkersuisut siulittaasuanik tatiginninnikkunnaarnertut isigineqarsinnaanngitsaq ataatsimiititaliap maluginiarpaa.

#### Atuuffik aamma Inuussutissarsiut

Naalakkersuisunut ilaasortat atuuffinnik allanik suliaqarsinnaanerat pillugu aalajangersakkat aningaasarsiaqartitsinermut inatsimmi § 9-mit Inatsisartut Naalakkersuisullu pillugit inatsimmi § 25-mit siunnersuuteqarnikkut nuunnejarnpoq. Tassunga atatillugu oqaatsip ”atuuffiup” maannamut nassuiarnearnera § 25 pillugu nassuaatini allanngortinneqartoq ataatsimiititaliap maluginiarpaa. Taamaalilluni nassuaatit malillugit oqaatsimi ”atuuffimmi” oqaaseq ”inuussutissarsiut” aamma ilanngunnejarnpoq, imaappoq suliat suulluunniit aningaasarsiaqataasut imaluunniit aningaasarsiaqataanngitsut. Maannamut periaasisumut tunngatillugu nassuaatip allanngortinneranut pissutaasoq aalajangersagakkamut nassuaammi ajoraluartumik paassisutissiissutigineqanngilaq.

Inatsissatut siunnersuummi § 25-mi oqaatsip ”atuuffiup” nutaamik nassuiarnearnera pillugu Inatsisit Atortinneqarnerannut Ataatsimiititaliap isummerfigissaga Qinigaanerup Misilinnejarnissaanut Ataatsimiititaliamit kissaatigineqartoq Inatsisit Atortinneqarnerannut Ataatsimiititaliaq ilisimatinnejarnpoq. Taamaattumik Dansk Sprognævnimut tusarniaanermut akissut pissarsiarineqarnpoq, imatut oqaasertalik:

*”Den Danske Ordbog ([www.ordnet.dk/ddo](http://www.ordnet.dk/ddo)) naapertorlugu ”hverv” (atuuffik) tassavoq ’tatigisaalluni ataqqinaatitulluunniit suliasiissut, atuuffik suliarluunniit’. Ordbogi taanna aamma malillugu ”erhverv” (inuussutissarsiut) isumaqarpoq ’suliaq aningasanik isaatitsiffusoq allatulluunniit qajungitsorsiassanik pissarsiffusoq’.*

*Politikens Nudansk Ordbog med etymologi (4. udg., 2010) taamaqataanik allappoq ”hverv” (atuuffik) tassaasoq ”immikkut atuuffik suliasiqaarfilluunniit, ”erhverv” (inuussutissarsiut) tassaatimeqarluni ”suliaq aningasanik isertitsiffusoq = SULIAQ, INUUNIUT, SULIFISSARSIAQ, ATORFIK, INUUSSUTISSARSIUT”.*

*Taamaalillu pingarnerusutut najoqqtassatut ”inuussutissarsiut” ”atuuffiup” ilagisinnaangilaq.*

*Ilanngullugu oqaatigineqarsinnaasoq "atuuffik" tamatigut paasineqartarmat sunngifimmi ingerlatatut apeqqutaatinnagu atuuffik akissarsiaqataaneersoq imaluunniit naamik."*

Ataatsimiitaliaq naliliinermini Dansk Sprognævnip isumaanut naapertuuttumik isumaqarpoq. Aamma nassuaat inatsisissatut siunnersummi saqqummiunneqartutut ilaatigut Qinigaa-nerup Misilinneqarnissaanut Ataatsimiitaliamit maannamut pisarnermisut atorsimaneraa takuneqarsinnaanngilaq.

Tamatuma saniatigut ataatsimiitaliap naliliinermini oqaatsit oqimalutarneqarnerat immikkut pingaartippaa. Taamaalilluni inatsisilerinikkut naliliinermi "oqaatsinut killigititaq" qaanger-neqassanngilaq, oqaasermi atorneqartoq oqaasilerineq kisiat eqqarsaatigalugu inatsisit oqaa-sertaani qanoq annertutigisumik atorneqarsinnaanersoq oqaatigineqarmat. Tamatuma saniati-gut Naalakkersuisunut ilaasortap Naalakkersuisunut ilaasortaanermini suliassami saniatigut inuussutissarsiutit allat naleqquttumik isumagisinnaanerai Naalakkersuisut siulittaasuata kisi-miilluni aalajangertariaqaraa oqaatigineqarsinnaassagunarpoq.

Isumaliutissiissummi matumani oqaatsit "atuuffiup" aamma "inuussutissarsiutip" taaneqartut mannalu tikillugu paasineqartarnerat siunissami inatsisip pineqartup nassuiarneqartarnerini atorneqartassasut ataatsimiitaliami amerlanerussuteqartut isumaqarput. Taamaalilluni oqaat-sip "atuuffiup" inatsisissatut siunnersummi nassuiarneqarnera ataatsimiitaliap tapersorsor-sinnaanngila.

Nuna tamakkerlugu kommuninullu politikkimut tunngatillugu oqaaseq "atuuffik" assigjinn-gitsunik nassuiarneqartassappat tamanna ajuusaarnartorujussuussasoq ataatsimiitaliaaq erseqqissaatigissavaa. Taamaattoqalersinnaavoq "atuuffik" pillugu inatsisissatut siunner-suunni matumani nassuaat taaneqartoq aamma "inuussutissarsiummut" annertusitillugu atorneqartalissappat. Taamaalilluni kommunit aqunneqarnerannut inatsimmi oqaaseq "atuuf-fik" atorneqartoq "inuussutissarsiummut" ilanngunneqanngitsutut isumaqartillugu atorneqar-poq.

#### Naalakkersuisuni tunuartoqarneratigut qinersineq

Siulittaasoq Inatsisartunit tatigineqarunnaartillugu Naalakkersuisut siulittaasuata qinersini-samik nalunaaruteqarsinnaanera eqqarsaatigalugu § 28-mi aalajangersakkat erseqqinneruler-put. Assersuutigalugu taama pisoqarsinnaavoq naalakkersuinermi pissaaneqarnermi pissutsit allanngornerisigut imaluunniit ilaasortat pisortatut suliaminnik ingerlatsinerat naammagineqa-runnaarsillugu imaluunniit allatut pissusilersonerisigut.

Taamaalilluni nutaamik qinersinissamik nalunaaruteqarme "sumiiffimmi" pissasoq maanna erseqqissarneqarpoq. Imaappoq aalajangiineq Inatsisartuni pissaaq piffissarlu eqqarsaatigalugu Inatsisartut tatiginnikkunnaarnerminnik oqaaseqarpata tamanna pissaaq – amerlanertigullu tamanna pisarpoq ataatsimiinneq ataatsimiittarfimmi allarteqqinneratiigut.

#### **Siunnertuutip aningasaqarnikkut kingunissai**

Inatsisissatut siunnersuut pisortanut aningasartuutaasussatut isigineqanngimmat ataatsimiitaliap arajutsisimanngila.

**Ataatsimiititaliap inassuteqaatai**

Naalakkersuisut allannguutissatut siunnersuataat akuersissutigineqassasoq ataatsimiititaliap isumaqatigiittup inassutigaa.

Tamatuma kingorna Naalakkersuisut inatsisissatut siunnersuataat iluserilikkamisut iluseqar-luni akuersissutigineqassasoq ataatsimiititaliap isumaqatigiittup inassutigaa.

Taamaattorli oqaatsit "atuuffiup" aamma "inuussutissarsiutip" qanoq paasineqarnissaat pillugu Siumut ima oqaaseqarumavoq:

Siumut isumaqarpoq, Inatsisartut siulittaasuat, Naalakkersut siulittaasuat Naalakkersuisunullu ilaasortat qinikkatut atuuffimmi saniatigut inuussutissarsiuteqarsinnaanerat akissarsiaqaataal-luni akissarsiaqaataaananiluunniit, pissaanermik atornerluinnginnissamik aammalu soqtigisar-sunginnissaq qulakkeerniarlugu aaqqiissuteqartariaqartoq. Taamaammat Siumup inatsisikkut qulakkeerusuppa, pissaanermik atornerluinnginnissaq soqtigisarsunnginnissarlu anguniar-lugu inatsisikkut sukaterisoqartariaqartoq nalilersuisoqartariaqartorlu.

Siumut isumaqarpoq, Inatsisartuni siulittaasuussagaanni, Naalakkersuisuni siulittaasuussa-gaanni aammalu Naalakkersuisuni ilaasortaassagaanni suliffik 100 % -imik atuuffiusariaqartoq saniatigooralugu atorfiunani Soorluttaaq Inatsisartut Siulittaasuat, Naalakkersuisut Siulittaasuat Naalakkersuisunilu Ilaasortaq arlaannaatigulluunniit attuumassuteqarani innuttaasut assigiimmik sullinnissaanut inatsisitigut tunngavilerneqarnera qulakkeerneqassasoq.

Taama oqaaseqarluni isumaliutissiissumilu allassimasutut paasinnilluni ataatsimiititaliap siunnersuut aappassaaniigassanngortippaa.



Isak Hammond,  
Siulittaasoq



Andreas Uldum



Debora Kleist



Doris Jakobsen



Anders Olsen

20. oktober 2010

EM 2010/24

Allannguutissatut siunnersuut

uunga

**Siunnersuut uunga: Inatsisartut Naalakkersuisullu pillugit Inatsisartut inatsisaat**

Aappassaaneerinissamut Naalakkersuisunit saqqummiunneqartoq.

§ 9-mut

1. § 9, imm. 2, oqaasertalerneqassaaq imatut:

*"Imm. 2. Inatsisartuni isumaqatiginniniarnerit kalaallisut ingerlanneqassapput. Inatsisartunut Naalakkersuisunullu ilaasortat kalaallit oqaasiinik atuinngitsut danskisut oqalussinnaatitaapput, oqaasiilu kalaallisuumut nutserneqassallutik taamatuttaarlu isumaqatigiinniarnerit danskisut aamma malinnaaffigineqarsinnaassallutik."*

Siunnersuummut nassuaatit

**Nassuaatit nalinginnaasut**

Allannguutissatut siunnersuutikkut erseqqissarneqarpoq Naalakkersuisunut ilaasortat kalaallit oqaasiinik atuinngitsut Inatsisartunut ilaasortat allat naligalugit Inatsisartuni danskisut oqalussinnaasut kalaallisunngorlugit nutserneqartunik. Erseqqissaanissaq pisariaqartinnejqalersimavoq Naalakkersuisunut ilaasortat Inatsisartuni isumaqatigiinniarneri aamma oqalussinnaatitaasariaqarmata.

**Aalajangersakkanut ataasiakkaanut nassuaatit**

*Nr. 1-imut*

Imm. 2-kkut naqissuserneqarpoq kalaallit oqaasii Inatsisartuni sulinermi oqaasisut peqatigisaanillu qularnaarneqarluni Inatsisartunut aamma Naalakkersuisunut ilaasortat kalaallit oqaasiinik atuinngitsut Inatsisartuni danskisut oqalussinnaasut kalaallisunngorlugit nutserneqartunik. Tamatumuuna qularnaarneqarpoq danskisut oqaasillit Inatsisartunut ilaasortassatut qinigaasimasut innuttaasut qinersinerisigut qinikkan iinissaminnik isumaginninnissaminnut aamma periarfissaqarnissaat. Taamaalilluni Inatsisartunut ilaasortat inatsisartoqarnermi oqaaseqarnissamut kiffaanngissuseqarnerisa kiisalu kikkut tamat oqartussaaqataanerisa mianerineqarnissaasa piumasarissavaat isumaqatigiinniarnerit nalaanni pisariaqarneratut oqalutsit ikiuuttussat atugassannngortinneqarnissaat. Tamanna inatsisartut inatsisaanni maannamut atuuttumi § 13 naapertorlugu periusiusumut naapertuuppoq. Periarfissiinikkut ilanggullugu qularnaarneqarpoq innuttaasuni danskisut oqaasillit Naalakkersuisunut ilaasortatut suliassaminnik isumaginnissinnaanissaat. Kiisalu innuttaasuni danskisut oqaaseqartut isumaqatigiinniarnerit ingerlaavartumik nutserneqartarnerisigut Inatsisartuni sulinermut malinnaanissaminnut tunngaviusumik periarfissinnejqarnissaat. Tamatumuuna qularnaarneqarput innuttaasuni ilaasut taakku kikkut tamat oqartussaaqataaneranni peqataasinnaanerat sinniisussamittullu qinikkamik sulineranni paassisutissinneqarluarlutik nalilersuisinnaanerat.